

有部毗柰耶

第四十七

三百九  
詠七

49952




元祿九年丙子二月日重脩

皇圖玆固 帝潛銀昌

佛日增輝 懋輪常轉

山城州天安寺法金剛院置



根本說一切有部毗奈耶卷第四十七 詠

唐三藏法師義淨奉 制譯

入王宮門學處第八十二之四



爾時薄伽梵在王舍城竹林園中時有南方  
壯士力敵千夫來至此城詣影勝王所自言  
勇健弓馬無雙王見歡喜加之重祿授其大  
將時摩竭陀憍薩羅二國中間大曠野處有  
五百群賊殺害商旅由斯兩界人行路絕時  
影勝王聞是事已命大將曰卿可往彼二國  
中間曠野之處屏除群賊權住於彼時彼大  
將奉王教已將諸左右往曠野中見彼群賊  
將便獨進鋒矢交刃射一百人餘四百人尚

來共戰其將告曰汝等莫前勿令俱死宜釋  
甲仗去傷者箭觀其活不詣賊聞已看彼射  
者為去其箭尋並命終方知大將善閑射法  
更不敢戰餘四百人求哀請活大將愍之慈  
心向彼即於二界築一新城摠集諸人共住  
於此從斯已後名曠野城時此城人衆兵立  
諫 有部毗奈耶卷四十七  
制若有嫁娶皆延大將先令食已方為歡讌  
時有一人家極貧窶欲為婚娶無容辦食以  
命大將即自思念我貧無力請大將來今此  
新妻身未相解宜當奉進以表素心便令其  
妻入將軍室方始歸家從此已後城內諸人  
以此為式時有女子欲為婚娶便作是念此

城諸人久行非法自娣妻室先與他人欲作  
何緣能絕斯事便於晝日衆人聚處裸立小  
便諸人見已皆叱之曰汝是童女理合羞慚  
何故對衆人前作非禮事女子報曰若對丈  
夫可有羞耻對諸婦女何所羞慚諸人報曰  
我非丈夫耶女子報曰若是丈夫者豈有自  
娶已妻先令他犯諸人聞已各起深慚即便  
共議我等可詳殺其大將伺彼入池洗浴之  
際諸人摠集以劒刺之彼欲命終即便念曰  
非我本意汝自樂為今實無辜枉斫我命遂  
發邪願願我捨此身後生暴惡藥叉食此城  
中所有男女爰是願已尋即命終受藥叉身

於此曠野叢林中住由其前身怨讎業故於  
此城中作大災害人多病死諸人知己皆往  
林中懺謝前過請於每日常輸一人以免彼  
食凡次死者於其門上懸榜告知或家主自  
行或遣男女充其飲食時有長者於百神所  
求得一子詠初誕之時門上見榜其婦憂愁懷  
有部毗奈耶卷第七抱嬰孩悲啼而住夫從外來見榜而進知婦  
憂苦報其婦曰業屬如此事當奈何汝不須  
憂勿生愛戀宜將孩子送與藥叉作是語已  
抱其孩子送至林處夫妻還歸昇高樓上四  
方觀察慇懃敬禮訖伽他曰

靈祇遍滿於世間 自伏諸根能濟物

我為孩子求哀禮 願見慈悲相救護  
爾時世尊常以佛眼觀察衆生如餘應說乃  
至如母牛隨犢佛為憐愍長者妻子及曠野  
城中諸男子故知此城中堪受教化漸次遊  
行至曠野處為暴惡藥叉說微妙法令生淨  
信為受三歸及五學處乃至藥叉說頌請曰  
云何丈夫最勝財 云何修行能引樂  
云何味中為第一 云何命中為最勝  
世尊告曰

信為丈夫最勝財 善法常修能引樂  
諸味之中實語最 於諸命中慧為勝

藥叉請曰

云何足珍哉 云何有名稱 云何人所敬

云何善友增

世尊告曰

好施足珍財

持戒有名稱

實語人所敬

無怪善友增

藥又請曰

誦有部毗奈耶卷四十七

世間由幾生

由幾得名稱

由幾能成立

由幾能衰損

世尊告曰

世間由六生

由六得名稱

由六能成立

由六能衰損

藥又請曰



云何蕪愚癡  
晝夜無羈絆  
能於緣不住  
不怖於深坑

世尊告曰

定慧蕪愚癡

捨著無羈絆

於境緣不住

持戒越深坑

藥叉請曰

誰能渡瀑流

誰能越大海

誰能離諸苦

誰得心清淨

世尊告曰

信能渡瀑流

謹慎越大海

精勤離諸苦

有慧心清淨

汝今咸可問

沙門婆羅門

離實語布施

更有勝法不

藥叉答曰

正

我今何假問

沙門婆羅門

世尊大智海

能說真妙法

我從今日後

遊履於人間

常禮佛世尊

敬重於正法

世尊大慈愍

降臨我住處

我今決定知

當盡生死際

今時藥叉持此童子奉上世尊世尊受已授

誦 有部毗奈耶卷四十七

與父母即說頌曰

四

密跡手授我

我手授父母

由手相傳故

應名曠野手

孩兒因此名曠野手年漸長大時曠野城未

有君主眾人共議此曠野手童子有大福德

親蒙世尊之所護念我等宜可策以為主

尔時世羅苾芻尼從勝音城將除患大臣女  
名曰紺容付與妙音長者令其養育年既長  
成儀容端正衆所愛敬國內無雙時摩竭陀  
國影勝大王憍薩羅國勝光大王憍閃毗國  
明勝大王及廣嚴城栗姑毗等并餘貴族咸  
賈信物各遣使人來就妙音求紺容女長者  
愁惱作如是念來求女者多是國王我若不  
與皆生怨恨容害於我報紺容曰今隨汝情  
堪為偶對可自選取時諸王使并餘貴族不  
期而會於妙音長者苑園中住時彼長者即  
以種種上妙衣服無價珠瓔莊飾紺容令乘  
大象手執華鬘往衆人處汝所愛樂堪為夫

者當以此舉擲彼身上紺容即便詣衆人所  
問言曠野手王住在何處衆人指示女即以  
華望彼而擲作如是語佛於藥叉手中所受  
童子當為我夫諸人聞已咸皆四散妙音長  
者知女意至即為嚴整上妙象馬僕使車乘  
種種衣服飾以珠瓔禮送紺容往曠野處夜  
詠閣門閉無由得入有部毗奈耶卷四十七權居門下假寐通宵五  
今時世尊觀見曠野手堪應受化乃至廣談  
若曠野手與紺容相會者深愛纏縛於生死  
中未能出離無階聖果今時世尊知是事已  
即從王舍往曠野城至彼城隅日光遂沒即  
於其夜卧牛跡捨地時曠野手聞佛世尊來

至城外卧牛跡捨中天既曉已時曠野手欲  
禮世尊出城門下見紺容女車馬僕從問是  
誰女宿此城門時紺容女具以來意答曠野  
手王聞是事令往宮中時王詣佛所稽首白  
言世尊不審大師宿在荒田得安隱不世尊  
告曰曠野手於此世間得安隱眠者我為第

一

今時世尊說伽他曰

能除於罪惡 不被欲所繫 離染歸圓寂

彼得安隱眠 能除熱惱病 一切希望斷

其心常寂靜 彼得安隱眠

今時世尊為曠野手種種說法示教利喜即

於座上證不還果廣說如阿笈摩經禮佛足  
已從座而去既還宮已語紺容曰我捨諸欲  
更不耽樂汝雖來至隨意去住無人遮止紺  
容曰我樂住此願與佛子為給侍人時曠野  
手為佛及僧於此城外造僧住處四事供養  
無所闕少廣說乃至曠野手王遇疾而死生  
無熱詠有都毗秦耶卷第七天既起三心來詣佛所禮足而坐世尊  
告曰汝曠野手因何業放生無熱天即以伽

他答世尊曰

我由見世尊及得聞正法供養於僧眾

曾無厭足心受行勝人法遠離於貧愛

於三事常修故我生無熱

時曠野手天子頂禮佛足忽然不現時請必  
芻夜見光耀咸皆有疑曉請世尊曰彼曠野  
手曾作何業終見紺容從斯已後得不還果  
佛告諸苾芻汝等應聽乃往古昔有大臣子  
兄弟二人住居林野大者手足紺鞞小者無  
網鞞大者修得五通小者就師受學其師有  
女名曰妙容顏貌端嚴年漸長大情希出道  
遂學生所作如是語父母令我與汝為妻彼  
聞不許其女遂瞋學生恐怖即便逃走女尋  
赴及邀遣為夫學生固守不隨所願女便執  
刀欲斬其首尔時學生知不免難即便合掌  
作如是說南謨大仙網鞞手足總歸命古仙

人應至即便攜去共至山林牛跡捨處令其  
出家教修勝法證得五通汝等苾芻往時大  
兄五通仙者即我身是彼小弟者即曠野手  
是彼妙容者即紉容是我於往昔見將被害  
攜至山林令得五通雖女怨對我於今日還  
令免彼紉容所逼於生死海得永出離是故  
詠 有部毗奈耶卷四十七  
汝等於有漏中速求捨離  
於時諸苾芻復有疑心請世尊曰何因緣故  
此曠野手總初生已將與藥叉用充飲食世  
尊至彼令免厄難佛告諸苾芻汝等善聽當  
為汝說乃往過去於一城中王好食肉時有  
一人欲求於王以雞奉獻王得雞已將付廚



人令充羹臠彼獻雞者素<sup>雞</sup>有悲心便作是念  
我今不應進奉活雞令彼屠割即持倍價就  
厨人所未贖而放遂便生念此雞無辜緣我  
進獻幾將被殺此之惡業願勿受報我復贖  
放所有福業令我來世遭厄難時得勝大師  
來相救濟汝等知不往時獻雞者即曠野手  
是由音願力今免厄難如是應知  
尔時曠野手身亡之後紉容還向憍閃毗妙  
音長者處時憍閃毗主鄔陀延王聞紉容女  
未被男觸還來本家便問大臣妙音共為禮  
娶置妙花樓侍女千人令無闕乏每於日日  
與金錢一千其侍人內有女曲脊因以為名

時曲脊女於日日中常以千錢買香供給於  
香店處共賣香男子密媿私情將五百錢以  
充食直餘有五百買香而歸後於具時共賣  
香男子同心設供請佛及僧廣說乃至食已  
聽法既聞法已即於座上俱獲初果既見諦  
理即便實用千錢買香持還宮內紺容夫人  
見彼塗香多於餘日便問其故彼曲脊女皆  
誅有部毗奈耶卷四十七  
以前事其實白知是時紺容見其希有告侍  
女曰我身有難無容輒出汝可日日往世尊  
所聽妙法已來為我說彼即往聽還至宮中  
紺容夫人自居勝座令彼說法曲脊告曰聽  
法之儀不應如此夫人知己為數勝座自居

卑下請其說法既聞妙法證不還果時有外  
道婆羅門是磨沙國人名曰無憂婦名舍利  
後生一女色貌端嚴人所愛樂因名無比年  
漸長大自作是念若人與我容儀相似者當  
與為妻尔時世尊到憍閃毗次行乞還本處  
飯食訖往閑林中時無憂外道來至佛所觀  
佛容儀無能比者遂作是念今此丈夫儀容  
殊特得與我女為婚對者豈不樂哉外道還  
家告其妻曰我女得夫儀容相似可具瓔珞  
共為婚娶婦便問曰彼是何人答曰是沙門  
喬答摩婦聞語已說伽他曰  
我曾於國中見大仙乞食行於不平地

隨彼足高佞。如斯之大人。豈念於妻子。

時無憂婆羅門聞斯語已。瞋而告曰。

舍利非善徵。吉祥言惡相。縱彼心精進。

有大威神力。若見無比女。便生愛樂心。

作是語已。便以名衣諸瓔珞具莊嚴其女父。

母詠隨從送向佛所。便於路中見佛足跡。十輻九

輪相無憂見已。報其婦曰。此是女夫行處。舍

利觀見佛跡。端嚴以頌報曰。

深欲之人跡不正。急性多瞋踏地堅。

愚癡者跡不分明。此是離欲人行處。

我觀是相。定非無比對偶之人。無憂重說初

頌報曰。

舍利非善微。吉祥言惡相。縱彼千輻具。  
有大威神力。若見無比女。便生愛樂心。  
次復前行見佛世尊卧草褥處報其婦曰此  
是女夫所卧草褥舍利觀見草褥不亂報曰  
深欲人卧多穿穴。瞋者卧處草敷堅。  
愚癡人卧草縱橫。此是雜欲人眠處。  
我觀是相定非女夫之所眠處宜當旋踵共  
還故居無憂重忿報曰  
舍利非善微。吉祥言惡相。縱彼草不亂。  
有大威神力。若見無比女。便生愛樂心。  
作是語已便共相將往至佛所無憂即便說  
伽他曰。

仁當觀此女。美貌具莊嚴。須妻我見授。

顏容妙相似。猶如十五夜。星月共相輝。

世尊聞已便作是念。若我與此無比女人作。

慈愍言者。此女必當別我去時。情生顧戀。因

此命終。我今宜應現。願忿相共。其父語作是

念已。即向無憂說。伽他曰。

諫 有部毗奈耶卷四十七

魔王奉三女。端正世無雙。瓔珞盛莊嚴。

我不生欲意。況此卑賤身。不淨遍充滿。

令我足指近。亦無如是事。

時無比女聞是語。已心生忿惱。觀父低頭于

時無憂。瞻仰尊顏而說頌曰。

我女容華盛。端嚴無與比。仁今何所為。

無心相愛念

世尊報曰

世間愚癡人

於境生愛著

若觀斯美女

遂使心迷倒

我是第七佛

獲得魚上果

如蓮出水中

不被欲塵汙

今時無憂婆羅門及無比女聞是語已捨佛

而去時有外道出家老苾芻去佛不遠見無

比女便生深愛請世尊曰

佛眼遍明朗

受斯無比女

與我為妻室

隨情當受用

佛聞此說默而不答

時老苾芻深心逼故復白佛言

此是佛衣鉢。錫杖及君持。并戒並相還。  
我今隨女去。

彼老苾芻即弃衣鉢并捨學處至無憂父所  
報言與我無比以充妻室其父罵之嫌不與  
語所願不遂便歐熱血因此命終時諸苾芻

咸皆有疑請世尊曰以何因緣將無比女奉  
上世尊有部毗奈耶卷四十七不為納受佛告諸苾芻非無因緣汝

等當聽乃往古昔有鍛師家唯生一女年雖  
長大恃自工巧不嫁與人然此鍛師能以鐵

針一枚置於水上而不沉沒時有婆羅門童  
子妙閑斯伎於一針穴投以七針浮之水上  
亦不沉沒時此童子欲伏鍛師詣其門下唱



言我有針賣。湏者當取女。便出門笑而報曰：汝是愚癡人。或可無心識。今來鍛師舍而云我賣針。

童子亦笑答

賢首我非癡

不是無心識

欲定彼憍慢

詣此云賣針

汝父若知我

有斯勝技術

必以汝相娉

并家所有財

于時鍛師聞是語已。問童子曰：汝之技術為實為虛。即自浮一針。彼便浮七。於彼童子便

生愛樂。遂許其女。娉與為妻。童子告曰：我是婆羅門族。姓高勝。豈鍛師種。為伉儷耶。捨之而去。汝等。必芻往時。婆羅門者。即我身是。鍛

師者即無憂是女者即無比是汝等苾芻於往時具足煩惱尚棄其女況今難欲為無上師而生貧染如是應知

時諸苾芻復白佛言世尊以何因緣老叟苾芻由無比女遂致命終佛告諸苾芻汝等善聽此老苾芻非但今日由無比故自取命終

誦

有部毗奈耶卷四十七

十一

乃往昔時亦相因故而致命終於過去時有城名師子劫王名師子頂為大法王時世豐樂人民熾盛無諸怨爭于弋征罰誦偽惡人共相侵害亦無災橫及諸病苦稻蔗牛羊在處充足等觀兆庶猶如一子時此城中有一商主名曰師子大富多財受用豐足所有

貨及諸貲產僮僕傭人無所闕乏庫藏盈溢  
如毗沙門王於同類族娶女為妻雖久共居  
竟無男女為求子故祈禱神祇遍諸天廟山  
林河沼及同生天希望後嗣汝等忝芻世人  
皆云由乞求故便獲子者此誠虛妄斯若是  
實人皆千子如轉輪王然由三事方有子息  
一者父母交會二者其母身淨應合有娠三  
者中有現前高主與子業緣運會時有一天  
從勝妙天下應受貴位託蘊婦胎若聰慧女  
人有五別智一知男子有染心無染心二知  
時節三知從彼人得四知是男五知是女若  
是男者居在右脇若是女者居在左脇時被

人婦稟識聰慧知胎居右喜告夫曰高主知  
不我所懷孕必是光顯宗族現居右脇是男  
不疑高主聞已即大慶喜作如是語我從久  
來常思繼嗣願得善子紹我家業不墜家門  
我既長養終懷返報廣為慧施福利親族我  
沒世後稱憶我名而為咒願願我所有尊祖  
諫父母受生之處以福莊嚴即置其妻於妙樓  
有部毗奈耶卷四十七觀縱意而住隨時涼煖供給所須常令女醫  
為調飲食冷熱合度六味無差所不宜者皆  
不令食奇妙瓔珞以為嚴飾譬如天女遊歡  
喜園乃至未誕以來居止牀座足不履地目  
不觀惡色耳不聽惡聲時經九月便誕一男

顏貌端正見者歡喜身色如金頂圓若蓋垂  
手過膝目若青蓮額廣肩長鼻高脣直象相  
圓滿人所稱歎經三七日已集諸親族商主  
以兒告諸親曰此兒今者當作何字衆共議  
曰此是商主師子之兒可名師子胤其父以  
兒授八乳母二供乳哺二作解持二為洗米  
二供歡戲此子既為八母供承無所乏少常  
以乳酪生酥熟酥醍醐及餘上妙月美飲食  
而用資養速能長大如蓮出池漸至童年學  
諸技藝算數書印取與出納皆盡其妙辯說  
閑解智識聰明於八種術善能瞻相所謂男  
女象馬寶衣木宅其父介時於春復冬為造

三殿并三苑園置三姝女謂上中下昇妙樓  
觀奏諸伎樂而娛樂之高主師子於日日中  
自知家務日盱忘食其子見父躬自勤勞白  
言日晚何不時食父便告曰豈常受樂辦家  
業耶子聞此語作如是念我父年尊自知家  
務寧得閑縱貪為逸樂且自經求以濟生業  
詠有部毗奈耶卷四十七  
即白父言口腹之重須自馳求坐食父財是  
事不可我今欲往入大海中求覓珍寶父告  
子曰汝今不應辛苦自作馳求今我庫藏中  
多有財物金銀寶貨隨汝受用假使日日費  
用米麥亦不能盡乃至我存任情取用我過  
世後隨意經求子頻啓父我欲汎船暫至寶

洲父見慙慙從其所願告言隨汝意去可於  
苦事當忍受之其父即便擊鼓宜令普告城  
邑遠近商客諸君當知欲求珍寶者可與商  
主師子胤同入大海所在經過不輸稅直海  
中貨物普當備辦時有五百商人聞是告已  
集商主處共結行期既知期已各辭父母告  
別親知選擇吉辰將諸貨物人擔馬負隨僑  
主去展轉城邑行至海濱商主遂以五百金  
錢雇舩入海并覓五人一能遠望二能鼓棹  
三能修船四能潛泳五能執拖于時拖師將  
欲舉帆普告商人曰大海之中厄難非一或  
猛風卒起漂泊山隅或鯨鱗鋸牙穿船沉沒

君等不應於急難時無所憑據宜將浮物各  
自防身時諸商人聞斯告已共相謂曰大海  
安危難可預識我等宜應隨挹師語各求浮  
物以自防身或將版木或持皮囊或浮瓠等  
俱至船所既入大海遇摩竭大魚碎破船舶  
時諸人衆各憑浮物出沒隨波宿業緣運餘  
評 有部毗奈耶卷四十七  
命未盡遇值北風漂泊南岸至赤銅洲十五彼有  
衆多鳴鶴羅刹女在此居住時羅刹女隨樂  
變形若見破落商人能作美言詐為誘誑於  
其城上豎二幢幡一名慶喜一名恐懼此幡  
若動表吉凶相商人既至慶喜幡動諸女議  
曰今吉幡動可往海濱定有瞻部洲人漂落



至此即便化作美女容儀俱行海際徜徉四  
顧見有諸人憑託浮物而至於岸諸女各各  
化為瓔珞莊嚴其身持上供具告諸人曰善  
來賢首漂泊洪波極受辛苦宜應就我居宅  
共解疲勞時此城內先有漂泊商人皆收置  
鐵城漸取充食即便共諸商人相隨詣宅諸  
女告曰堂宇衣服諸有所須隨意受用又我  
無夫今依汝活願為傳匹情無間然多諸死  
園皆可愛樂又指庫藏此是贍部洲中所須  
寶物金銀琉璃真珠末尼車磔碼碯珂具璧  
玉赤珠右旅如斯等物亦隨意取用與我歡  
居勿生疑慮然此城南不宜輒往

尔時世尊告諸苾芻曰我不見有一事迷醉  
世間可愛可樂貪深繫縛過女色者當知女  
人是能沉溺一切男子若諸男子見女人時  
即便迷悶荒淫失志於所作事皆忘次緒勝  
妙善品不復存心是故苾芻求解脫者當勤  
修習離欲之行於諸染境作不淨觀如是應  
諫學時被商人便與羅刹女歡娛十六燕樂積有歲  
時皆生一子復生一女時商主師子胤作如  
是念何意諸女於城南路不許人行我宜候  
妻中宵睡熟抽身徐起拔劍南行觀其所以  
即如所念夜起南行聞有衆人悲啼號叫而  
云苦哉瞻部洲庸哉父母兄弟是時商主聞

其聲已便大驚怖身毛皆豎次更前行見大  
鐵城高聳牢固周迴求覓竟無門戶亦不見  
有人畜蹤跡於此城北有尸利沙樹高出城  
隅高主登上見城中人遙問之曰汝何人哉  
号哭於此念贍部洲父母兄弟彼皆告言我  
是贍部洲人入海取寶當昇船之日恐遭海  
難各持版木及以浮囊為護自身望免其危  
既入大海被摩羯魚觸破我船控告無路各  
持囊版隨風漂泊業命未盡吹至南岸時有  
衆女儀貌殊絕賈持供養來至我所作如是  
言善來賢首我無歸趣以汝為夫所有舍宅  
衣服飲食七寶珍奇皆隨意用廣說如前乃

至勿生疑慮仍告我等於此城南無宜輒往  
同居歡燕積有歲時各於已妻皆生一子後  
生一女時彼諸女見吉幡動知有贍部洲人  
船破而至即捉我輩隨次食之餘未食者置  
鐵城內當食之時現羅刹像儀容可畏長爪  
鋸牙詠皸裂人體食噉血肉髮孔筋骨無有子  
有部毗奈耶卷四十七遣乃至滴血墮地以指挑取并土吞之我次  
未至處鐵城內每日食一彼諸女者非是人  
類皆是羅刹君等宜應善自防衛不久亦當  
還遭此禍是時商主聞斯語已便大驚怖告  
彼人曰頗有方便仁及我曹免斯苦厄平安  
吉達還贍部洲不被便告曰我無方便可得

還至贍部洲中重見鄉國何以故我知業重  
求脫無緣我等共念穿鐵城下令作孔穴欲  
求逃難冥免繫縛其城即便更寬數倍復欲  
踰越而出城遂增高故知我等無緣得脫以  
待命終君等可有方便得還鄉國高主問曰  
其事云何彼便告曰我比曾聞於十五日褒  
灑陀時於虛空中有諸天人作如是語贍部  
洲人汝無智慧故守愚癡於十五日褒灑陀  
時不解北行尋求出路每十五日有天馬王  
名婆羅訶從海而出遊在岸邊食自然香稻  
無病充溢有大力勢舉首四顧如是三告誰  
有欲向彼岸還贍部洲君等宜應於十五日

褒灑陀時於城北邊大海之際至天馬所待  
馬語時即便告言我等欲歸彼岸還贍部洲  
願見提攜安隱而去馬所陳語君當奉行有  
此方便可還本國時師子胤商主聞彼說已  
深心奉持讚歎希有即便下樹尋路歸還依  
舊而卧至天曉已詣彼五百商人之所而告  
之誅曰君等宜可俱集其園須有籌議十所有毒  
子並勿隨身時諸商人聞商主語於一園中  
並皆俱集商主即便具以上事並告衆人獲  
更告曰此等諸女皆是羅刹君等宜應謹自  
防護

根本說一切有部毗奈耶卷第四十七 誅

鋒矢下式築音作歡下見讌於下窶其主裸郎果瓦

及此昌吉嬰孩上一盈及羈絆上居且及瀑

流報上瀌及密二搶及七兩阿笈業下其網音半鞞下莫

實肉字羹臙各下呼媾及古候輻音福草蓐辱下音旋踵

下之及毆鳥口及及鍛及丁亂及姊及正併仇儷上口浪

帝于戈下和及及古費及子斯傭音容脅脇二同虛涼燥

六及於胤及余鎮祿音保日盱下字幹沈船上音白

海濱下音掉及直考潛泳上在鹽及拖及徒可漂

泊下音鯨鱗上京及及巨鋸牙上音瓠音護彷彿二字音旁

羊珂具上何及及次緒下音蹄叫上高及及戶高聳下息

控告上貢及及甌裂上獲及及俱挑及土彫繫縛上立及及陟

山城國綴喜郡薪村  
靈瑞山剛恩菴沙門宗桂書寫之

詠

有部毗奈耶卷四十七

